

# QVÆSTIO MEDICA.

## QVOD LIBETARIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS I. DECEMBRIS,  
M. DIONYSIO IONCQVET Doctore Medico, Præside.

872

*An infanienti amore virgini vena sectio?*

**A**MOR est blanda & irrequieta cupiditas ipsi placendi, qui nobis sorte, sua virtute aut nostro saltem errore placuerunt. Iis si se confuderit iugis animi contentio, quò compectorata citius adhæreant veneris glutino membra, fit infans: Quem licet philtrea concilient, pessimus tamen occasiois arripiente magister est. Non habet passio mentem vt ad conductum veniat opportunus, sed torvis omnia circumspectura luminibus, turbulenta quæque petulanti cogitatione digerit. Hinc ætatis iure nupturiens virgo, libidinis insidiosæ delinita blanditijs, inter tot infans amoribus spatiantes adolescentulum vestigat erroris conscium sui. Amantis iam penèque amens per cæca pulchritudinis ministeria cor concussum amatorios edere pulsus nugæ sunt: simillimos verò incendio suo exhalat spiritus; quorum tenuior parit ab amore infaniam; densior alter importuna tentigine impatientiam cupidinis monstrat. Vnde humanâ lege tanquam tyranno percellitur. Impia ipsi numina sunt, castæ decus familiæ & severa matris imitatio; pudor exultat virgineus, nec suas amplius obtrinet partes patris imperium; quidquid illa voluerit, senserit, dixerit, amor est.

**C**RASSIOR ex concussione cordis spiritus calorque ad obscenas partes multijugâ scaturigine commeantes assuetudine vitij eas laxiores reddunt, novos prostituta voluptatis movent igniculos, & fœda populatione inibi obvia quæque circumagentes, aut mentis sustinent, aut fluxorem sollicitant vterinum, nusquam integræ vel corruptæ futurum indicem virginitatis. Intimis vero hærentes præcordiorum fibris omnia melancholiæ & vterini furoris advocant incommoda. Incentivo interdum calore alvinæ regionis absumentur humiditas & ossa viduata pulpis circumtenso cutē protuberant: Sui quippe oblitus muneris venter, quemadmodum olim Antiochus, in summa fame mentitur cibi fastidium. Nascitur inde fædus pallor, turpis cum virore lividitas & icteri flavi spurcities: *Ignærima micans exhalat opacæ mephitim*. Altius semper vehit se spiritus tenuior, qui phantasie tenebras ingerendo, virginem infans metu ludit & sine febre tristitia: In sua namque damna nimium ferox hominum frequentiam nocivâ curiositate vitat, avias quærit locorum solitudines, noctis horrorem & silentium, vt deliris incumbat cogitationibus, solumque sibi repræsentet amoris idolum sui.

**V**DICRA Pantomimorum spectacula eam mentis asperitatem fucatâ letitiam summovebunt; frangere solita microcephalorum levitas inconstantis animi pertinax malum. In partem operis venient diæteria, sales, tripudium & quæcumque propudiosa veneris scenam evertunt. Sic enim animus importunâ cupidinis imaginatione spoliatus alienæ subpalpatur felicitati, & melancholiam genuinus sepe risus excipit. Fugit etiam deformis macies, pravi habitus turpido, interaneorum calor, fædaque teguntur infanientis amoris symptomata, dummodo crassioris dissipationem spiritus multo labore tanquam artis secreto procuraverint medicantes, aut numerosa venæ sectione seminis tenuaverint vbertatem.

**R**O generatione seminis confluit ad testēs sanguis purior, cuius detractio minuitur veneris impudicæ pudibunda materies. Illa deleteriam in vtero concipit qualitatem; novo saltem spirituum affluxu turgidula exitum sibi parans distendit genitura loculos, obsceno seminis tumore & loci angustia laborantes. Interim ex feminis amplificatione, infandisque genitalium virginitatibus vapores emergunt amatorij, qui per musculosum transfusi genus, oscitationem, languores venereos, & petulantis manus contractionem invenustæ corporis pandiculationi iungunt. Qui si per rationis organa tumultuosè rotentur, mentis imperant levitatem & infanientis amoris nugas. Hæc omnia maturâ venæ sectione, *dummodo*, jejunijs, cura, præcave; seminis enim conficiendi materiam subtrahendo, incentivi vaporis prohibetur fumus, verendum iacet moles, ideoque vasa spermatica debite redeunt conformationi, vt quasi dato vinculo artius complectantur genituram.

**I**SCERA igneo Promethei furto calentia dum ora vasorum claudunt sanguinis augent molem. Factus etiam alimentorum vbertate copiosior & datis viarum obicibus minime disfluens, ad cor & septum transversum refilit, ibique per flexuosos venarum ductus longiores agens moras inflammatur aliquando & mentis amovet integritatem. Ob eius putredinem laborans virgo clamat, tristatur & timet ad vaporum caliginem, æstroque libidinis suæ percita quærit virum, aut sibi propter oppressionem laqueum nectit. Nubat ergo; aut menstruis statâ etiam periodo profluentibus, illicò funde sanguinem; cuius copiâ obfœta respirationali partes & inflammata, delirio strangulationem confundent, ni datâ portâ sanguis exiliens, levatis præcordiorum obstructionibus salutarique refrigerio eas reddat liberiores, pristina sanitatis bono restituat corpus & erotomaniacæ mentis affectum præstantiori remedio demulceat Medico Antiphonte.

*Ergo infanienti amore virgini vena sectio.*

Proponebat Lutetiæ ISAAC RENAVDOT Iuliodunensis. A. R. S. H. M. DC. XXXIX.

DOMINI DOCTORES DISPUTAVRI.

M. Nicolaus Mathieu.  
M. Carolus Dupré.  
M. Petrus Hommetz.

M. Jacobus Renaud.  
M. Nicolaus Langlois.  
M. Claudius Chrestien.

M. Ioannes Desgorris Medicus Regius.  
M. Renatus Charrier Medicus Regius.  
M. Georgius Arbaut.



319.